

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA TRAVNIK**

*Služba za infrastrukturne projekte, obnovu, izbjeglice,
raseljene osobe i stambene poslove*



Broj: 07-04-28-37-195/26
Datum: 15.05.2026. godine



SAGLASAN

Načelnik Općine Travnik

dr. sci. Kenan Dautović

Datum: 14-05-2026
2026.god.

Temeljem Odluke o izvršenju Proračuna Općine Travnik za 2026. godinu-stavka izdaci za raseljene osobe 2026. i Uputstva o načinu i procedurama odabira korisnika projekata povratka i rekonstrukcije stambenih jedinica („Sl. glasnik BiH“ broj 48/06), Općina Travnik **raspisuje:**

JAVNI POZIV

**Za podnošenje prijava za
poticaj povratka prognanih i stambeno zbrinjavanje izbjeglih i raseljenih osoba i
povratnika u 2026. godini**

I PREDMET JAVNOG POZIVA

Predmet javnog poziva je pomoć pojedincima za obnovu i rekonstrukciju stambenih objekata, raseljenih i izbjeglih osoba i povratnika za ostvarivanje minimalnih stambenih uvjeta za život.

II CILJ JAVNOG POZIVA

Cilj ovog javnog poziva je stvaranje uvjeta za povratak raseljenih i izbjeglih osoba i osiguranje uvjeta za ostanak povratnika.

III PRAVO UČEŠĆA – OPĆI KRITERIJI

Pravo učešća na ovom Javnom pozivu imaju izbjegle i raseljene osobe i povratnici čije je prijeratno prebivalište bilo na području općine Travnik.

Poziv se **ne odnosi** na osobe sa socijalnim statusom.

Izbjegle i raseljene osobe i povratnici iz prethodnog stava moraju ispunjavati sljedeće uvjete:

- 1) da je izbjeglica iz Bosne i Hercegovine, raseljena osoba u BiH ili povratnik
- 2) da je iskazao namjeru za povratkom (ne odnosi se na povratnike)
- 3) da je utvrđen status vlasništva ili stanarskog prava nad stambenom jedinicom koja je predmet rekonstrukcije,

- 4) da je na dan 30.04.1991. godine imao prebivalište u stambenoj jedinici koja je predmet rekonstrukcije,
- 5) da se stambena jedinica koja je predmet rekonstrukcije smatra ne uvjetnom za stanovanje, u skladu s odgovarajućim standardima o minimumu stambenih uvjeta,
- 6) da on i članovi njegovog kućanstva od 1991. godine nemaju na teritoriji BiH drugu stambenu jedinicu koja se smatra uvjetnom za stanovanje, a u skladu s odgovarajućim standardima o minimumu stambenih uvjeta,
- 7) da nije primio pomoć u rekonstrukciji, dovoljnu da zadovolji odgovarajuće standarde o minimumu stambenih uvjeta.

IV PRIJAVA NA JAVNI POZIV I DOKAZI O ISPUNJAVANJU OPĆIH KRITERIJA

Dokumenti kojima se dokazuje ispunjavanje općih kriterija da je potencijalni korisnik pomoći izbjeglica iz BiH, raseljena osoba u BiH i povratnik je potvrda nadležnog organa o statusu:

- a. Izbjeglica iz BiH svoj status dokazuje odgovarajućom potvrdom nadležnog organa zemlje boravka,
- b. Raseljena osoba u Bosne i Hercegovine svoj status dokazuje potvrdom/ pravosnažnim rješenjem nadležnog organa općine privremenog boravka o statusu raseljene osobe,
- c. Povratnik koji svoj status dokazuje potvrdom nadležnog organa o statusu povratka uz Uvjerjenje o kretanju (MUP) i Potvrde o prijavi prebivališta (CIPS)

IV.2.) DOKAZ O NAMJERI ZA POVRATKOM

- IZJAVOM podnosioca, koja se ovjerava od strane nadležnog organa općine povratka dokazuje se:
 - a) da je iskazana namjera za povratkom (ne odnosi se na povratnike)
 - b) da je stambena jedinica koja je predmet rekonstrukcije ne uvjetna za stanovanje u skladu s odgovarajućim standardima o minimumu stambenih uvjeta,
 - c) da korisnik / nositelj domaćinstva i članovi njegovog domaćinstva koji su prijavljeni za dobivanje pomoći u rekonstrukciji od 1991. godine nemaju na teritoriju BiH drugu stambenu jedinicu koja se smatra uvjetnom za stanovanje, u skladu s odgovarajućim standardima o minimumu stambenih uvjeta,
 - d) da korisnik nije primio pomoć u rekonstrukciji, dovoljnu da zadovolji odgovarajući standard o minimumu stambenih uvjeta.

IV.3.) DOKAZ O VLASNIŠTVU

Dokumenti kojim se dokazuje vlasništvo nad stambenom jedinicom koja je predmet rekonstrukcije su:

- zemljišno-knjižni izvadak ili posjedovni list, ne stariji od 6 (šest) mjeseci od dana objave javnog poziva
- izuzetno za povratnička naselja u kojima se nije vršilo uplanjenje izgrađenih i rekonstruiranih stambenih objekata zbog pojave tehničkih klizišta, korisnici su dužni dostaviti potvrdu Mjesne zajednice o postojanju izgrađenog stambenog objekta 1991. godine, koji je predmet obnove

IV. 4.) DOKAZ O KRETANJU

Uvjerenjem o kretanju ili ovjerenom fotokopijom Uvjerenja o kretanju podnositelja zahtjeva za rekonstrukciju, koje izdaje nadležni organ unutarnjih poslova dokazuje se da je korisnik pomoći na dan 30.04.1991. godine imao prebivalište u stambenoj jedinici koja je predmet rekonstrukcije.

Korisnici koji su Uvjerenje o kretanju ranije predali u Službu za obnovu, raseljene osobe/lica, izbjeglice i stambene poslove, nisu dužni ponovo dostavljati predmetno uvjerenje.

U izuzetnim slučajevima, kada se uvjerenjem o kretanju ne može pouzdano utvrditi prebivalište na dan 30.04.1991. godine, kao dokaz prebivališta pribavlja se izjava dva svjedoka, ovjerena od strane nadležnog organa općine povratka.

V POSEBNI KRITERIJI

V.1. Dokaz o boravku povratničke obitelji u mjestu povratka (podrumu, šupi i sl.)

V.2. Dokaz o pripadanju raseljene osobe, izbjeglice ili povratnika jednoj od sljedećih ranjivih kategorija:

- Socijalna kategorija (uvjerenje od Centra za socijalni rad)
- Osobe sa invaliditetom (kopija Rješenja o invalidnosti)
- Samohrani roditelji, staratelji ili hranitelji obitelji (uvjerenje Centra za socijalni rad)
- Obitelji poginulih boraca/šehidske obitelji (uvjerenje u prave za obranu ili kopija Rješenja))
- Obitelji nestalih osoba i bivši logoraši (uvjerenje nadležne institucije)

V.3. Povratnička obitelj koja boravi u alternativnom smještaju, kolektivnim centrima

V.4. Broj članova kućanstva – kućna lista i MZ-e uz koju ostaviti i

- svaki punoljetni član obitelji (ovjerene kopije osobne iskaznice)
- svaki maloljetni član (rodni list – ovjerena fotokopija)

VREDNOVANJE KRITERIJA

1.	stambena jedinica ne uvjetna za stanovanje	30 bodova
2.	Obitelj poginulih	25 bodova
3.	Obitelj nestalih osoba i bivših logoraša	15 bodova
4.	Osobe sa invaliditetom	10 bodova
5.	Samohrani roditelji ili hranitelji obitelji	5 bodova
6.	Socijalni status-primanja manja ili jednaka minimalnoj mirovini	5 bodova
7.	Broj članova kućanstva:	
	- više od 5 članova	5 bodova
	- 3 do 5 članova	3 boda
	- do 3 člana	2 boda

VI FINANSIJKI SREDSTVA

Za realizaciju ovog Javnog poziva planiraju se budžetska sredstva u iznosu do **180.000,00KM** (slovima: sto osamdeset tisuća/hiljada konvertibilnih maraka)

Visina pomoći po jednom korisniku iznosi **500,00 do 15.000,00 KM**.

Pomoć se dodjeljuje prema rang listi korisnika koja je sačinjena prema broju ostvarenih bodova, a broj korisnika pomoći se utvrđuje do iznosa raspoloživih sredstava planiranih u proračunu općine za 2026. godinu.

VII NAČIN IZBORA

Odabir korisnika po ovom javnom pozivu će vršiti Odbor za izbjeglice, raseljene osobe i dijasporu, koji je imenovan od Općinskog vijeća Travnik, koji će razmatrati prijave u skladu sa posebni procedurama u skladu sa odredbama ovog javnog poziva i internim aktima.

U slučaju kada prijavljeni korisnici imaju isti broj bodova, prednost pri odabiru će imati:

- korisnici čija je stambena jedinica ne uvjetna za stanovanje.

Odbor za izbjeglice, raseljene osobe i dijasporu zadržava pravo provjere točnosti podataka iz prijave na javni poziv, te u slučaju da utvrdi da podaci nisu točni ili nepotpuni predmetnu prijavu će odbaciti kao neurednu.

VIII OBJAVLJIVANJE RANG LISTI KORISNIKA

Nakon usuglašavanja liste korisnika, lista će biti objavljena na oglasnoj ploči s naglašenim rokom za prigovor.

IX OBRADA LIČNIH PODATAKA PODNOSIOCA PRIJAVE

Podnošenjem prijave na ovaj javni poziv, podnosilac daje suglasnost, u skladu sa Zakonom o zaštiti ličnih podataka. Lični podaci se obrađuju isključivo radi provjere ispunjenosti uvjeta javnog poziva, izrade odluka, realizacije dodjele pomoći, vođenja evidencija korisnika i izvršenja plaćanja. Podaci se mogu dostaviti trećim stranama samo u okviru zakonskih obaveza. Radi transparentnosti postupka i ostvarivanja prava na žalbu/prigovor po javnom pozivu, minimalno neophodni lični podaci korisnika bit će objavljeni na službenoj stranici Ministarstva.

Podnosilac ima pravo da zatraži pristup, ispravku, brisanje ili ograničenje obrade svojih podataka, u skladu sa zakonom.

X DOSTAVLJANJE PRIJAVA NA JAVNI POZIV

Mjesto podnošenja zahtjeva i dokumenata:

Kandidati prijavu s dokazima o ispunjavanju općih i posebnih kriterija dostavljaju na adresu općine Travnik, na protokol općine svakim radnim danom od 7,00 sati do 15,30 sati, u zatvorenoj kuverti sa naznakom: „ **Odboru za odabir korisnika Općinske pomoći, ZA RASELJENE, IZBJEGLE I POVRATNIKE – ZA JAVNI POZIV – NE OTVARAJ, ili putem pošte preporučeno na adresu: Općina Travnik, Konatur bb/protokol/, 72270 Travnik.**

Na poleđini kuverte obavezno navesti ime podnosioca prijave, točnu adresu i broj telefona.

VRIJEME TRAJANJA POZIVA: Vrijeme za podnošenje prijava na Javni poziv traje od 18.05.2026. godine do 18.06.2026. godine.

Zahtjevi za aplikaciju i sve potrebne informacije mogu se dobiti u općini Travnik; šalter br.7 i na telefone 030/511-277 lokal 264 i 215, 030/511-829 i 030/509-062.

Tekst javnog poziva i sve detaljne informacije se mogu naći na web stranici Općine Travnik www.opcinatravnik.com.ba

DOSTAVITI:

1. Naslovu
2. u spis



POMOĆNIK NAČELNIKA

Mato Jozak, dipl. Ing.